

**PŌLU 'LETRE 'LA □KPA
ZESU 'YI MU 'LA 'YAA-
KOLŌSI -WA 'E TA 'MU NI
Pōlu 'letre 'la □kpa Kolōsi
-wa 'e ta Zesu 'yi mu 'e ni
'bhe ngblo**

-O 'kleen 'la sii -zōn Tuuki, Kolōsi -yaa 'bhē- 'yi -wa 'e do 'le. -O -yaa Pōlu 'bhēgwlen- do 'la sii Epafrasi 'bhe -le 'yee- Kolōsi -wa 'e ta Zesu 'yi mu 'e □kpa 'eke- ma, 'bhē- -yoo □kla Zesu 'yi mu -lido' 'le. Pōlu 'gbu 'laa gele -lido' 'yee- Kolōsi -wa 'e ta. 'Duŋ- Epafrasi -le □nwa -a pele a ni dō bhla ma mē daan mu 'ke mu -yaa Zesu 'yi mu 'e 'yrebateḁo' 'zi. 'Bhela- -yile, Pōlu 'letre 'lē- □kpa -o ni, 'koko- -e fangando -o ta, 'bhē- -ya pe -o ni dō -o blole bo mē daangbeya -lrele' 'e 'bhe ma, 'bhē- waa gbaanle bhla ma mē daangbeya 'e 'bhe zi. 'Letre 'lē- 'bhe de bhla 'e zi 'ke Pōlu -o -kaso 'yi. -E 'letre 'lē- 'pegee Efezi mu a 'letre, 'bhē- Filemō a pe 'e 'kpen □dia 'waati do ba.

'Letre 'lē- 'le □lwa mi 'e 'yi (Kolōsi 1.1-14) Pōlu 'pubo- □naa 'pe -Waanbhaa ni Kolōsi Zesu 'yi mu 'e ba zayi'.

'Bhe blaana, -yoo -daanna -za mu 'la 'le Zesu Kriisi ba zayi', 'bhe 'pegee Zesu -za mu 'la □kla -o ni, -e 'mu 'kpen -dwa -o 'kpee (Kolōsi 1.15-2.3). Zesu -le 'ke -Waanbhaa' Gbe 'e 'le, 'bhē- 'yele- pe 'kpen □kla. -E galawoa -yrigbeele 'e ta 'bhe -le -koo' mu 'pegee -Waanbhaa' □kpa do ma.

PŌlu pe dŏŏ -Jan 'Nrāle- a pe mēē daangbēya 'ē gole -o bhla ma mēē daan mu 'ē 'mu a pe 'ē ma. -Amasrōyi, Zuufu mu a mēē daangbēya 'ē 'pegee Grēki mu a mēē daangbēya 'ē laflē' 'yi -mlēkē' mu 'ba zayi' 'pegee 'klēn 'yi 'wlaza-, 'bhēē- Zuufu mu a 'fēti -klōsikunza, 'bhē 'pegee 'toŋ 'bhēeke mu 'bhēē- -o 'sŏŏn mu, 'woo- bhla ma mēē daan mu 'ē -o 'mu 'kpen 'yizaala 'eke- ba (Kolŏsi 2.4-23).

PŌlu Zesu 'yi mu 'ē 'taawogbēya -lrele' 'ē -zadwa -o 'kpee, -amasrōyi -woo mēē do -o 'pegee Zesu Kriŏsi a 'kpaledomaya 'ē 'yi (Kolŏsi 3.1-4.6).

'Lētrē 'lēē- 'lēyanyrē 'ē □nŏŏ (Kolŏsi 4.7-18), PŌlu -o 'pubwa-, 'bhēē- -e 'sēwēgŏ do □dia -o ni -a 'gbu gbē ma.

PŌlu -o Kolŏsi mu 'ē 'pubŏ- 'zi

¹ 'Mi PŌlu 'la 'ŋ 'yoo- 'ke Zesu Kriŏsi a winbŏwo mi 'le -Waanbhaa' zru maza ma, 'mi 'pegee 'ŋ nēēnē- Zesu 'yi mi Timote -le 'lētrē 'lēē- 'kpa zii',

² 'ka mu 'o nēēnē- mu 'ē ni, 'ka mu 'la 'ke -Waanbhaa' 'ka □kpaā 'edaŋma -yaa' mēē mu 'le, 'bhēē- 'ke 'ka blŏŏle- -o Kriŏsi a -za 'ē ma Kolŏsi wa 'ē ta. Bhaa -kŏŏ' Dē -Waanbhaa' -yaa' 'duma 'pegee -yaa' yilabla 'ē 'na 'ka ni.

PŌlu -o -Waanbhaa' 'pubŏ- 'seri klē 'zi

³ Yi 'oo yi, 'ke 'woo- 'o 'seriwo zii' 'kaa- -za ma, 'o Mēēzan Zesu Kriŏsi Dē -Waanbhaa' 'pubŏ-.

⁴ -Amasrōyi 'wa □maa dŏŏ 'ka 'kpale -o Zesu Kriŏsi 'yi 'eglŏŏle, 'bhēē- -Waanbhaa' a mēē mu 'ē 'kpen -za sŏ 'ka ni.

⁵ 'Kaa- 'kpaleya 'ē 'pegee 'kaa- 'soniya 'ē kli gbaanle -o 'ka 'yrikpale -o -Waanbhaa' pe mu 'la

□twa 'ka 'lɛɛ laflɛ' 'yi 'mu -la ta. -A 'san 'ka wlan ma -Jan 'Nrɛle- 'ɛ □lwa ma, 'ka 'yrikpale bole -o 'bhɛɛ- pɛ mu 'ɛ ta.

⁶ -O 'yee -Jan 'Nrɛle- do 'kpɔ 'la 'wo zii' 'ka ba ye, 'bhɛ -la do -kplɛn 'wole- 'ɛ zɛn 'zi 'drunyan 'ɛ 'yi yɛkpen- □nɔɔ 'ezin-. 'Bhɛla- 'a 'to zii' 'bhɛɛ- mɛɛ mu -o -za 'lɛle- mu klɛ 'zi, 'bhii- -ya -kla 'ka mu ba gɔnɛ- 'la gbɛɛn- -a 'san 'ke 'ka -Waanbhaa' a -lileya 'ɛ □lwa 'ɛ ma, 'bhɛɛ- 'kaa □ya 'bhii- -yoo 'ke wlan 'le bhe.

⁷ 'Waa- yewoyɔɔn Epafɛraɛsi 'la -za sɔ 'o ni 'egbenɛle, 'bhɛ -le 'ka -daanna 'bhɛ -za mu 'ɛ 'le; 'bhɛ -la blɔɔle -o Krisi a ye 'ɛ ma 'ka ba ye.

⁸ Lii 'Wɛn 'ɛ -Waanbhaa' a 'sɔniya 'la □kpaɛ 'ka 'kpee, 'yele- □nwa 'bhɛ 'pele- 'o ni.

KRISI 'KPAALE- -O Pɛ 'Kpɛn 'WIIN-

⁹ 'Bhɛla- -zayile, -a 'san 'o 'ka ta jan 'ɛ ma, 'kee- kpa -yɛkpaɛ' ma oo, 'kee kpa -bi zi ma oo, 'waa ploɔ 'o 'seriwole ma 'kaa- -za ma 'ezin-. 'Woo 'seriwo -Waanbhaa' ni, 'kooko- 'ka sɔ -a zru maza 'ɛ dɔle-; 'bhɛɛ- 'kee- sɔ -zadɔleya 'ɛ 'kpen 'pegee yikan' 'nale 'ka ni -a Lii 'Wɛn 'ɛ 'le.

¹⁰ 'Ke 'bhɛ □kla, 'ka 'taawogbɛya 'ɛ sɔ Mɛɛzan Zɛsu 'lɛdɔle -a ma, 'bhɛɛ- 'ka sɔ -a zru maza klɛle- yikpen- ta. 'Bhɛɛ- 'ka nu 'solɛ- -za 'wlan 'kpen -glɔɔn klɛle-, 'bhɛɛ- 'kaa- -Waanbhaa' dɔle 'ɛ baan' kla -a ba.

¹¹ 'Woo 'seriwo 'ezin- -a ni dɔɔ -e -yaa' 'tɔbhɔleya ma -glɔɔya' 'ɛ 'bhɛ zɛn 'ka ta, 'bhɛɛ- -e 'fuudɔ- 'ka ta, 'kooko- 'ka sɔ -yɛn 'ɛ 'kpen -glɔɔn 'yikunle 'ka zrubakpaale 'le.

¹² -Ka -kɔɔ' Dɛ -Waanbhaa' 'pubɔ- 'ka zrukpaale

'le, -amasrōyi, -ya □kla 'bhεε- 'ka dō -o -e 'ciεn 'la □twa -yaa' mεε 'wenj mu 'la -woo 'taawo zii' -yaa' 'tεbhile 'ε ba 'bhε ba.

¹³ Wlan 'gbu 'ε ni, -Waanbhaa' -kōō' -gwa -Setran' 'la -yoo -gblo ti -gbεnε 'ε 'yi 'bhε -a -glōōya' 'ε 'yi, 'bhεε -e -nwa -kōō' 'le -a Gbe 'la -za sō -a ni 'egbenεle 'bhε a -bhlenjgbeya -wa 'ε ta.

¹⁴ A Gbe Zesu gale 'ε 'bhεla- 'srōyi 'bhεε- -Waanbhaa' -kōō' tagbawoa, 'bhε 'pegee -e -kōōa' -za 'yōō- mu 'ε ma -sroma □yaan.

Zesu Krisi -o -Waanbhaa' bhōōma 'le

¹⁵ Zesu Krisi -le -Waanbhaa' 'la waa ye 'bhε bhōōma kpataakpa 'ε 'le. 'Yele- -yaa 'trε ta pε 'kpen klεle -lεε.

¹⁶ -Amasrōyi -Waanbhaa' pε 'kpen □kla 'yela- gbε zi: lafle' 'yi pε mu oo, 'trε ta pε mu oo, -yrε pε mu 'la ye oo, 'bhεε- waa sō pε mu 'la 'yele oo, -bhlenjgbe 'klεn mu oo, -o -yi -bhlenjgbe mu oo, mεε gbilaan mu oo, -Waanbhaa' pε 'kpen □kla Zesu Krisi -la gbε zi, 'bhεε- -yoo 'kpen □kla 'yela- ni.

¹⁷ -E -yaa -a -yrε ma 'drunyan ta pε 'kpen 'lεε, 'bhεε- -a fangan- 'ε 'bhε -le 'drunyan ta pε mu 'ε 'kpen to -o dulayrε mu 'ε □nōō.

¹⁸ 'Yee- Krisi -le -a 'gbu 'fle 'ε ηgblo 'le; 'bhεε- -a 'fle 'ε 'bhε -le Zesu 'yi mu 'ε -waa' 'klankeba 'ε 'le. 'Yele- -za 'kpen zisanyrε 'le; 'bhεε- 'yela- □lwa -bwela gale ba, 'kooko- -a 'kpaale klε pε 'kpen 'wiinj-.

¹⁹ -Amasrōyi -e -swa -Waanbhaa' 'gbu ni 'ke -wa dōgbeya 'ε 'kpen ye 'yee- Krisi -la -yi.

²⁰ Zesu 'srōyi, -Waanbhaa' -dwa -a -la 'kee- 'yee- 'pegee 'drunyan ta pε mu 'ε 'kpen kpa do ma: 'e pe laanima pε mu oo, 'e pe 'trε ta pε mu oo, -o 'kpen. Zesu yiεn 'la 'klalaa -yrigbεεle 'ε ta, bhε -la -zayi' 'bhεε- 'yee- -Waanbhaa' yilabla □wlaa 'yee 'gbu 'pegee bhaaplεn mu plεn-.

²¹ 'Ka mu, 'ka plεngole -yaa -Waanbhaa' ma 'elwale -sō, 'bhεε- 'ka 'yaa- -a -sōonnii' mu 'le 'ka kleza -yōō' mu 'ε 'pegee 'ka 'kpееjan- -yōō' mu 'ε ma.

²² 'Duη- -zōn, -Waanbhaa' 'ka mu 'pegee 'yee- 'gbu □kpa do ma Zesu gale ma 'bhε a bhaaplεn 'flε 'ε 'yi. -E 'bhε □kla, 'kooko- -e sō 'ka dulale' 'yee- 'gbu -Waanbhaa' 'yrε □la 'ke 'ka klε 'wεn, 'bhεε- 'ke waa -la yrε ye 'ka ta -za 'kedo- 'kpō 'yi, 'bhε 'pegee 'ke waa -sōn' bhε do ye 'ka ma.

²³ 'Duη- 'ka kli gbaanle bo 'egloole 'kaa- 'kpa-leya 'ε 'yi; 'ka 'yrikpale -o pε 'la ta, 'bhεε- 'ke 'ka 'bhε 'srōwoa- -Jan 'Nrale- 'ε 'yi, 'ka 'laa 'tolε- 'ke pε 'kedo- 'kpō 'a klε 'bhεε- 'ka ploō 'bhε -yrikpagbεya 'ε ma -titi. 'Ka 'yee- -Jan 'Nrale- 'la □maa, -o 'yela- wo 'zi 'drunyan 'ε 'yi yrεkpen- □nōō mεε mu 'ε ni; 'bhεε- -Waanbhaa' 'mi Pōlu □kla -yaa' yewone 'le 'yee- -Jan 'Nrale- 'ε 'yela-wole 'kaama-.

Pōlu -o -Waanbhaa' a yewo 'zi Zesu 'yi mu 'ε ni

²⁴ 'N̄ nεεnε- mu, 'mi -o -yrεnlabhle zii' -zōn 'ka mu ni, 'bhε 'mi zrukpalaa. -Amasrōyi, 'η -yrεn mu 'la 'bhle zii' -gε 'η 'flε 'yi, 'bhε mu -o Kri- si -yrεn mu 'la □bhla 'mu -lεpa' pε 'le. 'Mi -o 'bhε -yrεn mu 'ε 'bhle zii' Zesu Kri- si 'flε 'ε 'bhεε- ni; 'bhε 'flε 'ε 'bhε -le Zesu 'yi mu -lεdo' 'ε 'le.

²⁵ -Waanbhaa' 'mi □kla Zesu 'yi mu -ledo' 'ε -waa' yewone 'le 'ka mu ni, 'ke 'η 'yee- -jan 'ε wo 'ka ni 'ke 'an 'leyan a ma.

²⁶ 'Bhe -jan 'ε 'bhe -la tagaanle □bwa bhaaplen mu 'kpen 'lee, 'kee- 'san -Waanbhaa' 'drunyan kle. 'Duη- -zon, -e 'bhe -zronna -yaa' pe mee 'wenj mu 'ε ni.

²⁷ -Tron -gbene 'la -yoo 'bhe gaanyiza 'ε 'yi 'drunyan 'yi 'si mu 'ε 'kpen ni, 'bheε- 'kee- lele bhe, -Waanbhaa' -yaa -a zi 'bhii- Zesu 'yi mu 'ε -o 'bhe do. 'Bhe gaanyiza 'ε 'bhe -le -ge: Krixi -o 'ka zru mu 'ε 'yi, 'bheε- -ya kle 'ke 'ka 'yrikpale bo -a ta 'bhii- 'ka nu klele -Waanbhaa' a 'tobholeya 'ε 'yi.

²⁸ 'Bhe 'yi bhe, 'o moo -janwo' zii' 'yee- Krixi -la ba zayi' mee mu 'ε ni, 'ke 'o zruwla mee 'tole- mee 'bhe 'kpee, 'bheε- 'ke 'woo- daan -Waanbhaa' a -zadoleya 'ε 'kpen 'le. 'Kooko- 'ke 'o mee 'tole- mee 'bhe zron -Waanbhaa' ni -a -lepalele Krixi 'sroyi.

²⁹ 'Bhela- -zayi', 'η 'yoo- do 'zi 'egloole 'ke 'η yewo Krixi a fangan- ma -glooya' 'la -yoo 'η 'yi 'bhe 'le.

2

Krixi -o 'ke -zadoleya 'ε kli 'le

¹ 'N neene- mu, wlan 'ε ni, 'η 'yoo- do 'zi 'egloole 'ka mu ni gone- 'la gbeen-, 'η 'yoo- -a zi 'bhii- 'ka 'bhe do. 'N 'yoo- do 'zi 'egloole 'ka mu 'pegee Laodise mu 'ε, 'bheε- mee 'la zan mu 'kpen 'laa 'η 'yee- -lido' 'mu -laa' -za ma.

² 'N 'yoo- 'bhe kle 'zi, 'kooko- -woo zru do 'egloole, 'ke -o 'kpale- kle do ma 'soniya 'ε 'yi;

'bhεε- 'ke -o 'pale- kle 'ke 'yikanle 'le. 'Bhε klegbeya 'ε 'yi, -o nu -Waanbhaa' a gaanyiza 'ε dɔle, 'bhε gaanyiza 'ε 'bhε -le 'ke Krisi 'le.

³ -Waanbhaa' a -zadɔleya 'ε 'yi pε -lrele' mu 'ε 'kpen 'pegee -yaa' -zayaangole 'ε 'yi pε -lrele' mu 'ε 'kpen magaanle -o 'yee- Krisi -la -yi.

⁴ 'N̄ 'yoo- 'bhε 'pe zii' 'ka ni bhe, 'kooko- mεε 'kedo- 'kpɔ 'laa 'ka 'yini- -a -lε ma -nra jan mu 'ε 'le.

⁵ -Ali- 'ke 'η 'plenɔgole -o 'ka ma 'η 'fle 'ε 'yi, 'η 'yoo- 'ka -din 'η 'nii- 'ε 'yi. 'An 'malawoa dɔɔ 'ka -o 'taawo zii' 'elrele, 'bhεε- 'ka 'kpale- -o Krisi 'yi 'eglɔle, 'bhε 'η zrukpalaa.

Pɔlu a -liawli' Krisi zi 'taa 'ε ba zayi'

⁶ 'Bhε -ya 'ε 'yi bhe, 'ka Zesu Krisi □sia 'kaa Mεεzan 'le ɔnε- 'la gbεεn-, -ka 'taawo -a zi 'elrele.

⁷ 'Ka kli gbaanle bo -a ta 'bhii- -yri 'sεnε mu 'ε 'trε kun -a -la ɔnε- 'la gbεεn-, 'bhεε- -ka 'ka 'si 'ε dɔ 'yela- ta. -Ka bo 'eglɔle 'tan̄ii 'kaa- 'kpaleya 'ε 'yi, 'bhii- -o 'ka -daanna dɔɔ 'kaa kle ɔnε- 'la gbεεn- bhe; 'bhε 'pegee -ka -Waanbhaa' 'pubɔ- 'ka nii- 'ε 'kpen 'le -e -za mu 'la □kla 'ka ni 'mu ma.

⁸ -Ka 'ka 'yrekpa 'ka 'gbu ba 'elrele, 'kooko- mεε 'kedo- 'kpɔ 'laa 'ka 'yini bhaaplen̄ mu a bhaama -zadɔle mu 'ε 'le; 'bhε bhaama -zadɔle mu 'ε kli gbaanle -o bhaaplen̄ mu a 'si ta za mu -la ta, 'bhε 'pegee -waa' 'kpeelɛdangbeya mu 'ε 'drunyan 'yi -za mu ma. 'Duŋ- 'bhε 'kpeelɛdangbeya mu 'ε gole -o Krisi a pε -zadɔleya 'ε ma.

⁹ -Amasrɔyi, -Waanbhaa' dɔgbeya 'ε 'kpen -o Krisi a bhaaplen̄ 'fle 'ε 'yi.

10 'Bhεε- 'ka pε 'kpen 'srɔɔwoa- 'ka mu 'pegee Kriisi a 'kpaledomaya 'ε 'yi. 'Yela- 'kpaale -o -kunlii mu 'ε 'kpen 'pegee 'senj 'tɔle- 'senj 'mu 'kpen 'wiinj-.

11 'Ka mu 'pegee Kriisi a 'kpaledomaya 'ε 'yi, -o 'ka □wlaa 'klεεn 'yi 'yee- Kriisi 'yi. Yaa pε 'klεεn 'ε 'yi wlale 'ε bhaaplenj laa 'bhε klεε -a gbε -le. 'Duŋ- -yaa' pε 'klεεn 'yi 'wlale- 'ε 'bhε -le 'ka -gwa 'ka 'joo gwe mu 'ε 'pegee 'kaa- -za 'yɔɔ- mu 'ε 'yi.

12 -O 'ka 'wiinjfelawoa -yi ba, -e □kla 'bhii- 'ka -gaa, 'bhεε- -o 'ka 'pegee Kriisi □bian 'eke- 'yi; 'bhεε- 'ka 'pegee 'yee- -bwela 'eke- 'yi gale ba. -Amasroyi 'ka 'ka □kpaā -Waanbhaa' a -glɔɔya' 'la 'bhε Kriisi -bwela ba 'bhεε- 'yi.

13 'Elwaleta, 'ka 'yaa- 'bhii- 'ka -gaa -Waanbhaa' -yre 'yi 'kaa- -za 'yɔɔ- mu 'ε -zayi', 'bhε 'pegee 'kaa- 'klεεn 'yi wlalekleya 'ε -zayi'. 'Duŋ- -zɔn, -Waanbhaa' bole -yre ma -si 'na gbε drεεwoa- 'ka ni 'ka 'pegee Kriisi a 'kpaledomaya 'ε 'yi, 'bhεε- -e -kɔɔa' -za 'yɔɔ- mu 'ε 'kpen -sroma -yaan -kɔɔ' ni.

14 -Kɔɔ' klεza -yɔɔ' mu 'la 'kpen yɔɔndeεe -yaa, 'bhεε- 'bhε 'sεwε 'kpaale -yaa -kɔɔ' 'kaama- -kɔɔ' 'toŋ mu 'la 'yisiela 'mu -zayi'; Kriisi 'bhε 'sεwε 'yɔɔ- 'ε 'kpen 'liila-; -amasroyi -e -kɔɔ' ma 'kiti 'kwe □sia a ga -yriḡbεεle 'ε ta.

15 Kriisi gaza 'ε -yriḡbεεle 'ε ta, 'bhε 'sroyi, -Waanbhaa' -glɔɔya' -gwa -Setran' a 'senzan- mu 'ε 'pegee -yaa' -kunlii mu 'ε 'kɔɔ. 'Bhε klεḡbeya 'ε gbεεn- bhe, -ya -zrɔnna mɔkpen' ni kpataakpa 'bhii- Zesu Kriisi 'senḡwa□ 'bhε mu 'le.

16 'Bhε klεḡbeya 'ε 'yi bhe, 'ka 'laa 'tɔle- 'ke mεε 'kedo- 'kpɔ -janwo' 'ka ma: 'ka 'le pεle oo, 'ka mi

pe oo, 'feti yi -klosikunza mu oo, 'bhe 'pegee mle
dree 'pwe yi 'feti 'bhe- 'ka 'yitre yi -za mu -zayi'.

17 'Bhe -za mu 'e 'yaa- -za mu 'la 'yaa- zan
nule 'mu -la -toomasie 'le; 'duj- Kriisi -le wlan
kpataakpa 'gbu 'e 'le.

18 'Ka 'laa 'tole- 'ke mee 'kedo- 'kpo 'a kle
'bhe- -e 'ka go 'ka 'taawo zi -lirel' 'e ta 'bhe
ta, 'ke -ya kle 'bhii- -ya 'gbu mazina 'zi, 'bhe-
-e -mleke' mu kle -yaa' -waanbhaa' 'le 'kee- 'mu
gba. 'Bhe mee -gloon mu 'e, -o waa -yre zi yele
mu -la -za kun 'egloole; 'bhe- -waa' bhaaplenya
'kpeeledangbeya 'e ma, -woo 'gbu magbaande.

19 'Bhe mee -gloon mu 'e -o bloole laa bo Kriisi
'la 'bhe -o 'ke Zesu 'yi mu -ledo' 'e ngblo 'le 'bhe
ma. 'Bhe- 'duj-, -koo' mu -o 'bhii- -a 'fle dore mu
-la -le, 'bhe- -koo' bloole -o -a ma 'egloole 'bhii-
-koo' -fasa mu 'e bloole -o bhele' mu 'e ma gone-
'la gbegen-. 'Bhe- klegbeya 'e 'yi, -a 'fle gbaande
'bhii- -Waanbhaa' -a zi 'bhii- -e gbaande gone- 'la
gbegen-.

'TAAWOLE KRISI 'PEGEE MEE A 'KPALEDOMAYA 'E 'YI

*Mee 'pegee Kriisi gale 'eke- 'yi, 'bhe- -o -bwele'
'eke- 'yi gale ba.*

20 'Ka mu 'pegee Kriisi -gaa 'eke- 'yi, 'bhe- -e 'ka
-gwa 'drunyan ta lii -yoo' mu 'e waa -glooya' 'e □la.
'Bhe- -mele □kla 'bhe- 'ka -o 'taawo zii' 'bhii-
'drunyan 'lee- 'yi mee mu 'e gbegen- ee? -Mele □kla
'kaa- 'to zii' 'bhe- -o 'bhe 'toŋ -gloon mu 'e do 'ka
'wiinj- ee, 'ke -wa pe 'ka ni doo 'ka -o -klosikun
kpanma?

21 -O pe 'ka ni 'ka 'laa 'tonj mu 'la 'yisiεle 'mu -le -ge: «'Ka 'laa pe 'lεε- 'bhe 'sile-. 'Ka 'laa pe 'lεε- 'bhe danle 'ka nre ma». 'Bheε- «'ka 'laa 'kunle- pe 'lεε- 'bhe ma.»

22 'Bhe pe mu 'ε -woo 'ke bhle pe mu -la -le bhaama. 'Ke -woo □bhla, 'ke -o -yaan. Bhaaplenj 'si ta 'tonj mu 'pegee bhaaplenj daangbeyā mu -le 'woo- 'tonj mu 'ε -le.

23 Wlan 'ε ni, 'ke 'o 'woo- -za mu 'ε -glinna, -o kle mεε -yre 'yi 'bhii -zadɔ' maza mu. -Amasroyi -woo 'gbu zru 'yi gba gbeyā -la kle, -o 'gbu mazinalele, 'bhe 'pegee 'ke -o -yrenkpa' -o 'gbu 'fle 'ε ta -za -glɔɔn 'ε 'kpen klelele. 'Bheε- 'duŋ-, 'woo- 'tonj mu 'ε waa sɔ -o -yikunle -o 'fle 'ε zru maza mu klele ma.

3

1 'Ka 'pegee Kriši -bwela gale ba 'eke- 'yi. 'Bhe 'yi 'te, pe mu 'la -woo -Waanbhaa' ba laanima, -ka 'bhe mu -la ziglin-; Kriši 'yaale- -o 'bhe yre 'ε 'bheε- □nɔɔ, -Waanbhaa' -din 'tɔbhɔ ma yaayre 'ε □nɔɔ.

2 -Waanbhaa' -si dreε 'la □twa 'ka ni laanima, 'ka 'yri bo 'bhe -la ta, 'bheε- 'ka 'laa bole 'ka 'kpeeledanle ma 'tre ta pe mu ma.

3 -Amasroyi, -ka 'ka 'gbu 'kun 'bhii- ka -gaa. 'Bheε- 'ka 'si dreε 'ε pegee Kriši magaanle -o -Waanbhaa' ba laanima.

4 'Bhe ya 'ε 'yi, 'kaa- bole -yre ma -si -zeze 'ε 'bhe -le Kriši 'le; 'kee- □nwa yi 'la 'le, 'ka mu 'pegee 'yee- nu 'pwεle- -yaa' 'tɔbhɔleya 'ε 'yi.

-Si gwe 'pegee -si dreε

⁵ -Ka 'ploo- 'kaa 'trɛ ta 'joo gwe mu 'ɛ 'kpen ma; 'bhɛ 'joo gwe mu 'ɛ 'ke mu -le -gɛ: -yanbhooya oo, mɛɛ 'kpee 'trinɔ- maza oo, -za 'yoo- klɛ -lɔ oo, zru maza -yoo' mu oo, 'bhɛ 'pegee 'drunyan ta pɛ mu 'flɛn, -amasɔyi 'drunyan ta pɛ mu 'flɛn 'ɛ 'bhɛ -o 'ezin- 'bhii- yogbale.

⁶ 'Duŋ- mɛɛ 'la zan mu laa 'taawo -Waanbhaa' a -jan 'ɛ ta, 'ke -o 'bhɛ -za 'yoo- -glooŋ mu 'ɛ klɛ, -yaa' 'kiti 'ɛ nu 'tɛnlɛ- 'bhɛ zan mu ma.

⁷ 'Elwale -sɔ, 'ka mu 'ezin-, 'ka 'yaa- 'mu -za 'yoo- -glooŋ mu 'ɛ 'mu -la klɛ.

⁸ 'Duŋ- -zɔn, -ka 'ploo- 'bhɛ -za mu 'lɛɛ- 'kpen ma: yran oo, yin ma 'tɔnya- oo, 'kpee 'yooya- oo, 'bhɛɛ- mɛɛ 'tɔsiɛ maza mu. 'Ka 'laa 'tolɛ- 'ke -zwanwo' 'pegee 'wloso ma jan 'kedo- 'kpɔ da 'ka 'lii.

⁹ 'Ka 'laa bhla pelɛ 'eke- ni, -amasɔyi 'ka 'plooda- 'ka 'joo 'yoo- gwe mu 'ɛ 'pegee 'ka -yaa -za gwe mu 'la klɛ 'mu ma.

¹⁰ 'Bhɛɛ- 'ka 'joo drɛɛ -la □sia. 'Bhɛɛ- 'joo drɛɛ 'ɛ baan' kla -a ba yi 'oo yi, 'kooko- 'ka sɔ -Waanbhaa' dɔle-, 'bhɛɛ- 'ka klɛza mu 'ɛ klɛ 'bhii- 'yee- 'gbu 'la 'ka □kla -a klɛza mu 'ɛ gbɛɛn-.

¹¹ 'Bhɛla- -zayile, 'kee □kla Zuufu klɛ 'le oo, 'kee □kla Zuufu mi 'le oo, 'ke -woo 'e □wlaa 'klɛɛn 'yi oo, 'ke waa 'e 'wlalɛ- 'klɛɛn 'yi oo, 'kee 'yoo- -zadɔkle 'le oo, 'kee 'yoo- -bɔn 'yi mi 'le oo, 'kee □kla lu 'le oo, 'kee □kla □klɔ 'le, 'bhɛ 'laa -za 'ke klɛ -li. 'Duŋ- Krisi -la -za -o 'eglooɔle 'ke 'bhɛ kan pɛ 'kpen ta. 'Bhɛɛ- 'yele- -koo' 'kpen zru 'ɛ 'yi.

Zesu 'yi mu 'ɛ -woo 'ke bhɔpɛ 'le 'eke- ba

¹² -Waanbhaa' 'ka malakwan bhe, 'bhɛɛ- -e 'ka □kla -yaa' pɛ mɛɛ 'wenj mu 'le 'edanma, 'bhɛ

'pegee 'ka -za □swa -a ni, 'ka 'yɾɛnkla 'eke- ma, 'ke 'ka klɛ 'ewlanle 'eke- ma, -ka 'ka mazina 'eke- lɛɛ, 'ka 'yi klɛ 'edɔɔle 'eke- ma, 'bhɛɛ- -ka 'ka zrubakpala 'eke- zi.

¹³ -Ka bhɔ 'eke- ba; 'bhɛɛ- -ka 'eke- mazato. 'Ke 'ka do 'a -siɛla 'bhɛ -vindo' mi ba, -ka 'eke- mazato, 'bhii- Mɛɛzan Zesu 'ka mu mazatwa ɔɔnɛ- 'la gbɛɛn-.

¹⁴ 'Bhɛɛ- 'kɛla kpa 'bhɛ -za mu 'ɛ 'kɾɛn 'wiinɿ-, 'bhɛ -le dɔɔ 'ka -za 'sɔ 'eke- ni, 'sɔniya 'ɛ 'bhɛ -le nu 'ka 'kpale- do ma, 'bhɛɛ- -a 'lɛsɔ-.

¹⁵ Bhaa Kriɛ a yilabla 'ɛ klɛ 'ka zru ba. -Waanbhaa' 'ka 'siila- 'bhɛɛ- yilabla 'ɛ 'kaama-, 'kooko- 'ka kpa do ma, 'bhɛɛ- 'ka klɛ mɛɛ do. -Ka -Waanbhaa' 'pubɔ- 'tanii 'bhɛ ma.

¹⁶ -Kaa 'to 'ke Kriɛ a -jan 'ɛ bo 'ka zru 'ɛ 'yi, 'bhɛɛ- -e 'ka zru 'ɛ pa 'kee- kan -a -danɿ' ta. -Ka yakla- bɔ 'eke- gaan -la, 'ke 'ka 'eke- lia -zadɔlele. -Ka -Waanbhaa' 'tɔbhɔ ma 'sro mu 'pegee -a 'pubɔ- 'sro mu 'kpa -a ni 'ka zru 'ɛ 'kɾɛn 'le.

¹⁷ 'Ke 'ka -o -za 'oo -za 'la klɛle-, 'kee- □kla -janwole 'le oo, 'kee- □kla 'ka klɛza 'le oo, -kaa 'kɾɛn klɛ Mɛɛzan Zesu 'tɔ 'ɛ 'yi, 'ke 'ka -kɔɔ' Dɛ -Waanbhaa' 'pubɔ-.

Zesu 'yi mu bogbeyɛ 'eke- 'yi

¹⁸ 'Ka mu le mu, -ka 'ka ŋgblo 'kpala 'ka □nɔɔ mu 'ɛ □la. 'Bhɛ klɛgbeyɛ -glɔɔn 'ɛ, 'bhɛ -le sɔ Mɛɛzan -Waanbhaa' ni.

¹⁹ 'Ka mu 'gwlaan- mu, 'ka 'na mu -za 'sɔ 'ka ni, 'bhɛɛ- 'ka 'laa 'ka yin ma 'tɔnkpale -o ma.

²⁰ 'Ka mu -nɛ mu, -ka 'ka 'yapɛ- mu 'ɛ 'weli- ma -za mu 'ɛ 'kɾɛn 'yi. 'Bhɛ -le sɔ Mɛɛzan -Waanbhaa' ni.

21 'Ka mu -ne de mu, 'ka 'laa yran wlale 'ka 'ne mu 'e 'yi, 'kooko- -o -gblɔzi' laa nu gale -o ma.

22 'Ka mu lu mu, -ka 'kaa- 'tre ta -ge -kunlii mu 'e 'weli- ma -za mu 'e 'kpen 'yi. 'Ka 'laa 'bhe klele -o -yre 'kɔɔ, 'ka 'laa -o zrubho yre -glinle' 'ka ma 'kaa- -za klele mu 'e 'yi. 'Dun- -kaa kle 'ka zru wlan 'le, 'ke 'ka gblaana Meezan -Waanbhaa' -leɛ.

23 'Ke 'ka -o ye 'oo ye 'la 'wo zii', -kaa wo 'ka zru 'e 'kpen 'le; 'bhii- 'ka -o -a kle 'zi Meezan Zesu -la ni; 'bheɛ- 'ka 'laa- kle 'zi bhaaplen mu do -kplen ni.

24 -Amasroyi 'ka 'gbu 'a 'yaango doo Meezan -Waanbhaa' 'ka 'cien 'la tɔwa 'ka 'leɛ, 'ka nu 'bhe 'srɔowole 'bhii- 'ka 'woye- 'e ma -sra 'le. 'Ka -o yewo 'zi Meezan 'la ni 'bhe -le Krisi 'le.

25 'Dun- 'ke mee 'oo mee 'la zan 'taawoa ɔ 'eyɔole, 'bhe zan nu 'bhe ma -sra 'srɔowole. -Waanbhaa' laa bhaaplen mu go 'eke- ma.

4

1 'Ka mu -kunlii mu, -ka 'kaa- yewone mu 'e 'kun 'elrele 'ke 'kaa kle -ledɔɔleya ma, 'bhe 'pegee 'ka 'laa -o bagole. -Kaa 'yaango- 'bhii- 'ka mu 'gbu -kunlii -gbene 'e 'bhe -o laanima.

Pɔlu a -danma' -liawli'

2 -Ka bo 'ka 'seriwole ma 'tanji, 'ka 'yri 'laa gole 'ka 'gbu -za 'le -a klele ma, 'ke 'ka -Waanbhaa' 'pubɔ- 'bhe ta.

3 'Bheɛ- 'ezin-, -ka 'ka 'seriwo -Waanbhaa' ni 'waa- -za ma, 'kooko- -e 'bhe bhla -lrele' na 'o ni 'bheɛ- 'o so -Jan 'Nrake- 'e 'wole, 'bhe 'pegee 'ke 'o so Krisi a gaanyiza 'e 'pele mee mu ni. 'N' 'yoo- -zon -kaso 'yi 'bhele- ma.

4 -Ka 'ka 'seriwo 'mi a -za ma, 'kooko- 'η sɔ 'yee-gaanyiza 'ε 'wole- mɔkpen' ni kpataakpa, 'bhεε-wa -yima' 'elrele, 'bhii- -ya ɔpia 'η ni 'an kle gɔnε- 'la gbεεn-.

5 -Ka kle -zadɔ' mu 'le 'kaa- 'taawogbeya 'ε 'yi mεε 'la zan mu laa -Waanbhaa' dɔ 'mu 'plen- . 'Ka sɔ -za yeke- 'la klele-, 'waati 'tɔle- 'waati, -ka 'bhεε- kle.

6 'Ke 'ka -o -jan 'oo -jan 'la 'wole mεε mu ni, -kaa 'to -e kle -jan 'nrɔle- 'le; 'bhεε- -e kle -o -lre jan 'le. 'Kooko- 'ke -o 'ka 'lrɔkpaa- -za 'oo -za -la ma, 'ka sɔ 'bhe zikpale -o 'kpen ni do do.

Pɔlu -o -a -srawo' zii' Kolcsi Zesu 'yi mu 'ε ma

7 -Kɔɔ' nεεnε- Tisiki nu 'mi ta -jan mu 'ε 'kpen 'wole 'ka ni; -a -za sɔ 'o ni 'egbenεle, 'bhεε- -a zru -o do Mεεzan Zesu ni, 'bhεε- 'o 'pegee 'yele- 'bhe a ye 'ε 'wo zii' 'eke- zi.

8 'Mi 'gbu 'a 'lawlenna -a ma 'ke 'an 'winbɔ- 'ka ta ye, 'o ta janwo zayi' 'ka ni, 'bhεε- 'kooko- 'ke 'kaa ɔya, fanɔan- baan' nu dɔ 'ka ta.

9 'N 'yoo- -kɔɔ' nεεnε- Onezimu 'kpa zii' 'yee-Tisiki ba, 'bhεε- 'η -wo winbɔ 'ka ba ye. Onezimu zru -o do 'o ni, 'bhεε- -a -za sɔ 'o ni 'egbenεle, 'bhe 'pegee 'ka 'gbu a mεε -le 'kele-. -Za 'oo -za 'la ɔkla -ge, -o nu 'bhe 'kpen 'yipεε 'ka ni ye.

10 Arisitaki ɔla 'o 'pegee 'bhe -o -kaso 'yi -ge, 'bhe 'ka 'pubwa-; 'duɔ- Banabasi a yewoyɔɔn Maki 'ka 'pubwa- 'ezin-. 'O 'ka 'kpeelεkaan 'elwale gban -sɔ 'yee- Maki 'la ba zayi' dɔɔ 'kee-nwa 'ka ba, -kaa 'cieya- kle 'elrele.

11 -O -yaa mεε 'la zan sii Zesu Zutusi, 'bhe 'ka 'pubwa- 'ezin-. 'Woo- mεε yaga 'la bhe,

'wola- 'pegee 'mi -o yewo 'eke- zi -Waanbhaa' a -bhlenḡbeya -jan 'ε 'wolele mεε mu 'ε ni. 'Wole- 'ke Zuufu mu 'la □wlaa Zesu 'yi -ḡε 'mu 'le. -O fanḡan- -dwa 'mi ta 'egbenεle.

¹² 'Bhεε- 'ezin-, -kōō' nεεnε- Epafrasi 'ka 'pubwa-. 'Bhε -o 'ezin- 'ka 'gbu a mεε mu 'ε do 'le. 'Bhεε- -yoo 'ke Zesu Krisi a yewonε 'lrele- do 'le. -A nii- 'wlale- -o -a 'seriwole 'yi 'kaa- -za ma 'tanii, 'kooko- 'kaa- 'kpaleya 'ε baan' kla -a ba, 'bhεε- 'ka dō 'eglōole, 'ke 'ka 'yriwlale kle -Waanbhaa' zru maza 'ε 'kpen klele ma.

¹³ Wlan 'ε ni, 'ka mu Kolōsi mu 'pegee Laodise Zesu 'yi mu 'ε, 'bhεε- Yerapolisi Zesu 'yi mu 'ε 'kpen, 'ka -za -o Epafrasi 'kōō 'eglōole; 'mi 'gbu -o 'bhε 'srε 'le.

¹⁴ -Kōō' 'yiēnii -drōōdrōō' mi Luki 'pegee De- masi 'ka 'pubwa- 'ezin-.

¹⁵ -Kōō' nεεnε- Zesu 'yi mu 'la -woo Laodise -wa 'ε ta, -ka 'mu 'pubō- 'o ni. 'Bhεε- Nifa 'pegee Zesu 'yi mu -lεdo' 'la kla 'eke- ba -yaa' 'fε 'ε □la, -ka 'mu 'pubō- 'o ni 'ezin-.

¹⁶ 'Ke 'ka □yaan 'yee- 'lεtrε 'lεε- tapelele 'waati 'la ba, -kaa na Laodise Zesu 'yi mu -lεdo' 'ε ni, 'bhεε- 'mu 'a tape 'ezin-. 'Duḡ- 'lεtrε 'kεla □kaan Laodise, 'ke 'bhε □wlaa 'ka ba ye, 'ka mu 'bhε tape 'ezin-.

¹⁷ -Kaa pe Arisipi ni dōō Mεεzan Krisi 'a 'siila- ye 'la 'kaama-, -e 'bhε -ḡblakun' 'kee- 'bhε wo 'elrele.

¹⁸ 'Mi Pōlu 'gbu -le 'sεwεyōōn 'lεε- dε 'zi 'ḡ 'gbu 'kōō dōō: «'Mi Pōlu 'ka 'pubwa-.» 'Mi -o -kaso 'la 'yi -ḡε, 'mi -za 'laa ḡole 'ka 'kpee. Bhaa -Waanbhaa' 'ka -dōōbo'!

Mwan
The New Testament in the Mwan language of Côte
d'Ivoire

copyright © 2006 Wycliffe Bible Translators, Inc.

Language: Mwan

Contributor: Wycliffe Bible Translators, Inc.

All rights reserved.

2025-05-14

PDF generated using Haiola and XeLaTeX on 14 May 2025 from source
files dated 14 May 2025

1220066e-ed9e-5c66-9c3b-435a6575b8da